

Bosna i Hercegovina

BRČKO DISTRIKT

Bosne i Hercegovine

VLADA BRČKO DISTRIKTA

Odjeljenje - Odjel za poljoprivredu,
šumarstvo i vodoprivredu



Босна и Херцеговина

БРЧКО ДИСТРИКТ

Босне и Херцеговине

ВЛАДА БРЧКО ДИСТРИКТА

Одјељење - Одјел за пољопривреду,
шумарство и водoprivredu

Bulevar Mira 1. 76100 Brčko Distrikt BiH
Telefon: 049 240 731. Faks: 049 217 591.

www.bdcentral.net

Булевар Мира 1. 76100 Брчко Дистрикт БиХ
Телефон: 049 240 731. Факс: 049 217 591.

Број предмета: 24-000091/14

Број акта: 09-1004DS-11/14

Datum, 5.5.2014.. godine
Mjesto, Brčko

IZVJEŠTAJ O PODUZETIM MJERAMA NA ODBRANI OD POPLAVA I STANJE NA TERENU DANA 4. 5. 2014. GODINE

SVIM ODJELJENJIMA VLADE BRČKO DISTRIKTA BiH

Usljed velikih padavina u subotu 3. 4. 2014. godine na nedjelju 4. 5. 2014. godine došlo je do izlivanja vode iz korita vodotoka: Tinja, Tinjica, Mala Tinja, Lukavac, Govneč, Zovičica i visokog vodostaja u koritu rijeke Brke. Pri tome, zbog stalnih padavina u slivu rijeke Save na području Bosne i Hercegovine i Hrvatske, vodostaj rijeke Save je u porastu i ide ka nivou proglašenja rdovnih mjera odbrane od poplava sa Savski i Tinjski nasip.

Na dan 4. 5. 2014. godine, u okviru operativne faze odbrane od poplava, podzete su sljedeće mjere i aktivnosti:

Angažovanje građevinske mehanizacije:

Na području Gornje Skakave izvršena je intevencija u Međacima i Podarevcu, uklanjanjem nanosa iz korita potoka i sa lokalnog puta.

Na području MZ Cerik, prije tržnice Arizona, zbog ugroženosti farme i stada ovaca i jednog dijela regionalnog puta Tuzla – Orašje, angažovan je bager kojim je prokopan kanal radi odvodnje vode sa okolnog zemljišta u propust ispod regionalnog puta Tuzla – Orašje.

Na području MZ Brka uz Malezijski put uklonjen je neadekvatan prelaz koji povezuje put sa poljoprivrednim parcelama, a koji nije imao propust što je sprečavalo normalno oticanje vode u putnom kanalu i ugrožavalo uzvodna područja.

Na području MZ Brka izvršen prokop puta radi odvodnje vode koja ugrožava izbjegličko naselje uz Kemin otpad.

Dovoz pijeska i vreća radi podizanja zečijih nasipa:

Na poziv civilne zaštite, Pododjela za MZ i predsjednika MZ Vukšić, na više lokacija odvežen je pijesak radi podizanja zečijih nasipa: MZ Brka (Limeks uz kanal Lukavac), MZ Rijeke (kod Kajzera na mostu u Rijekama), MZ Omerbegovača (plastenici uz rijeku Zovičicu) i MZ Vukšić Gornji (na putu i uz kapelu sv. Franje Asiškog).

STANJE NA TERENU:

MZ Bijela i zaseok Cvijanovići:

zbog plavljenja rijeke Tinje i Tinjice zaseok Cvijanovići je odsječen a Bijela ima jedini izlaz preko Gornje Skakave.

MZ Prijedor voda se izlila na više lokaliteta na putu od prostorija MZ do željezničke stanice, putni kanali su puni vode, a u popodnevним satima izlila se i na prilazni put do MZ Prijedor od mosta na rijeci Tinji do MZ Prijedor. Od prelaza željezničke pruge kod Bukvika do mosta na rijeci Tinji na putu Brčko – Cerik, duž cijelog puta, poljoprivredne parcele sa lijeve i desne strane puta su poplavljene, putni kanali puni vode.

U popodnevnim satima zatvoren je za prelaz most na rijeci Tinji na putu Brčko – Cerik zbog izlivanja vode na put prema motelu Ruža.

U donjem dijelu sliva rijeke Tinje, **MZ Poljaci, Bašče, Jagodnjak**, rijeka Lomnica se izlila na poljoprivredne parcele sa lijeve strane, dok je sa desne strane voda još uvijek u koritu vodotoka, budući da je desna obala uzvišena i ojačana priručnim nasipom radi zaštite naselja.

Područje MZ Vukšić Donji i Gornji i zaseoka Drenava, plavljenje navedenih područja očekuje se u naredna dva dana.

MZ Brka

Najugroženije područje je područje uz potok Govneč i Lukavac, neregulirani dio korita Lukavac zbog čega su poplavljene stambeni objekti i poljoprivredne parcele u MZ Brka i Ulovići i poljoprivredne parcele duž Malezijskog puta s lijeve i s desne strane puta.

U narednim danima očekuje se opasnost od plavljenja usljed visokog vodostaja rijeke Brke i Zovičice u njenom donjem toku prema gradu, i uspora usljed visokog vodostaja rijeke Save.

MZ Rijeke i MZ Omerbegovača

Rijeka Zovičica se izlila na mostu kod objekta Kajzer i na više lokaliteta uz samo krito rijeke počev od MZ Rijeke do MZ Omerbegovača.

Regulisano korito rijeke Tinje je pod usporom rijeke Save i došlo je do izlivanja na okolne površine u užem obalnom pojasu na području Krpšića i Gorica.

- **Savski odbrambeni nasip** je usljed izlivanja rijeke Save u inundaciono područje nakvašen i dolazi do procjeđivanja tako da su na branjenom području poljoprivredne parcele neposredno uz nasip prekrivene vodom usljed djelovanja podzemnih voda.

- **Vodostaj rijeke Save** je u porastu. Na mjerodavnom vodomjeru u Slavonskom Šamcu na dan 4. 5. 2014. godine u 6⁰⁰ sati vodostaj rijeke Save iznosio je **582** cm, a u 23⁰⁰ sati **624** cm.

- **CS „Đurići“ u Vučilovcu je u pogonu od 1. 5. 2014. godine, sa dva motora koja rade naizmjenično u periodu od 8:00 sati do 16:00 sati, kako bi se održavo nivo unutrašnjih voda.**

Nivo unutrašnjih voda na dan 4. 5. 2014. godine je 146 cm. U pogonu su dva motora koja su radila naizmjenično cijeli dan a organizovano je i dežurstvo zbog predostrožnosti.

Unutar Vučilovca na više lokacija djelovanjem podzemne vode u nižim dijelovima došlo je do plavljenja dvorišta i ugrožavanja pomoćnih gospodarskih objekata i objekata za stoku. Na poljoprivrednim parcelama uz nožicu nasipa i na najnižoj tački došlo je do plavljenja usljed djelovanja podzemne vode.

Neophodno je i dalje pratiti vodostaje i situaciju na terenu, te po potrebi donijeti Odluku o proglašenju mjera redovne odbrane od poplava za Savski i Tinjski nasip na poplavnom području Brčko distrikta BiH na kojem su izgrađeni zaštitni vodoprivredni objekti u slučaju da vodostaj rijeke Save na vodomjernoj stanici kod Slavnskog Šamca dostigne nivo od 650 cm, te provoditi mjere redovne odbrane od poplava u skladu sa Glavnim operativnim planom odbrane od poplava Brčko distrikta BiH za 2014. godinu.

Dostavljeno:

ŠEF ODJELJENJA:

1. Svim Odjeljenjima Vlade
2. Evidenciji

Dževdet Šahović, dipl.ing. hemije